

滎陽外史集

欽定四庫全書

榮陽外史集卷二十六

明鄭真撰

序

送陝西承宣布政司參政陳公入覲序

洪武十有六年夏六月吏部符陝西承宣布政司傳上
命驛召右參政陳公觀廷賓入覲者時陝右吏民方熟
公之政不樂其去戀戀再三公曰禮云君命召不俟駕

其敢少遼緩耶不問家事星夜就道至臨淮阻風舍舟
登陸兼程而進予幸以斯文謁見退而嘆曰君臣際會
之盛不在茲乎周制六年五服一朝又六年王乃時巡
諸侯各朝於方岳考制度以尊天子是故赤芾金舄會
同有繹則因狩而朝也玄衮及黼輅車乘馬則因朝而
賜也下以致其敬上以致其恩人心天理之正孰得而
間之自漢以下成周之制不可見矣而木水本原之義
千載一日也迺今聖明在上朝覲之儀斟酌今古凡在

外藩及郡府州縣之長歲一朝覲其餘大小率以三年
考滿入覲天官考其功過而為之黜陟焉其禮甚重而
其法亦嚴矣今公以明經之學簡在上心西北大閫出
當一面而報政逾年首賜入覲盖以旬宣之重委寄之
隆厚股肱而崇體貌也可不思所以對敷丕顯休命哉
天下之大生齒之繁興化致理之宜柔遠安邇之畧其
有以徹九重黻旒之邃者乎謹按陳氏為莆田望族由
始祖號公祀肇居歷清遠令樞至三世而會稽郡王揆

以滅董昌救溫陵等功授大鎮節鉞賜鐵券五世而吏部尚書公仁璧六世而僕射公靖父子宰執侍從相繼榮耀赫奕嗣是而後持綉斧乘朱輪者代不乏人至十有六世公復起而承之可謂重規疊矩也已昔者左氏載陳敬仲之占曰八世之後莫之與京以公世系考之符敬仲之占矣天於三恪之裔何其封植之厚哉烏乎茲不可以觀德也夫於是本其山川地理家世文獻之盛立題賦詩序其首以為之贈且以為陳氏奕世之傳

云

鐵券

按陳氏三世從祖會稽郡王揆以武寧軍節度使同
中書門下平章事檢校太師賜鐵券郡王薨背其家
上之內府券文載在家譜定為宋太宗太平興國四
年以予觀之文載郡王平董昌救福建拯溫陵等功
當是唐昭宗朝錢鏐同時事非太平興國年也宋初
功臣以一言罷兵就鎮未必有九死三宥之說嘗考

司馬通鑑東萊記事本末歐陽五代史皆不載郡王
事恐郡誌及墓碑或他書可考今當為史家之闕可
也

爐冶鼓風炎火煽昆吾堅鋼成百鍊神槌急擊迸飛星
水石磨礮氷雪片丹書模勒黃金填王言訓飭人文宣
侍臣捧入紫宸殿流虹萬丈光燭天會稽郡王陳節
度大將功成旗鼓樹黃羅包賜向轅門鼓舞三軍誇際
遇山河帶礪申誓盟九死三宥垂孫曾築臺拜受揚寵

命臣微豈敢忘忠貞後來上表還內府多幸斯文綴宗
譜討論彷彿唐末年盛典煌煌照今古故家人物冠貂
蟬嗣續聲華今幾傳安西閫寄催入覲祝公富貴如前
賢君不見武穆錢王國吳越數百年來尚官爵鐵券網
出秋水深錦襲珍藏鎮家閥

吳越錢氏世家天台元至正間漁人舉網得鐵券遂
購藏之洪武初年朝廷嘗取以觀復歸諸錢氏云

累朝宸翰

按陳氏御書五通其一五代梁太祖賜節度巡官沅
其二宋真宗仁宗賜僕射靖其一則神宗賜廣東提
刑中復巡官廷賓四世祖僕射六世祖提刑八世祖
也

梁宋先朝御筆題封緘猶帶紫金泥龍章鳳篆昭雲漢
錦軸牙籤映壁奎清問疇咨隆體貌恩言嘉獎慰黔黎
故家文獻承先澤捧上青雲萬尺梯

文思誥

按宋慶厯中授虞部郎中陳惟德廣東路提刑陳中復文思院綾誥共二通中書舍人行詞虞部郎邵庵虞先生稱為慶厯名法從者廷賓九世祖也

人說閩南法從家先朝深寶誥綾花恩承內殿皆親擢命出中書溢寵嘉制作多應逾歲月光輝猶復動雲霞錦囊犀軸珍藏久許借春風席上誇

經國集

按集類勸農取士守邊等事奏疏議凡十卷號經國

集右僕射靖上進勅藏祕府熙寧初神宗幸祕書史
臣以是集進帝覽而嘉之追贈左僕射具集今藏于
家

恭惟僕射公全材見經濟義冠登廟堂謀猷協羣議粲
然如日星用以資至治景次篇目分上表進廷陞帝曰
大哉言達山肅登庋裕陵幸鑾輿芸香發靈秘史臣跪
進餘乙覽愜宸意時公已神遊九重發深喟煌煌五色
誥疏恩賁泉隧巨編手澤餘文獻期勿墜嗣續喜多賢

願言紹遺懿

梅洋

在興化縣東北林麓多梅樹唐武德初陳氏肇居之地後分為十二系云

卜居曾與賦槃阿雪裏梅花奈汝何鼎味已應符相業春魁頻得冠儒科靈根培植來嘉德奕葉光輝發舊柯歸向歲寒林壑底山川佳氣近來多

蘇湖

在興化大象山 下陳氏始祖號國杞 唐貞元間徙居
其地三世至會稽郡王開府 先是有蕪湖平陳氏出
公卿之讖

大象開形勝 平湖綠泛蕪 羣峯羅錦綉 一水瑩瓊瑤 脩
忽魚龍化 翩躚鶴鶴飄 浪浪鳴急雨 洒洒漾輕飈 窈窕
深通壑 穹窿仰駕橋 天晴浮彩鷁 月霽響瓊簫 咫尺天
光近 從容地利饒 淳龐便俗習 虛爽遠塵囂 似火明丹
荔 如雲覆綠蕉 詠歌傳翰墨 問荅聽漁樵 允爍精英聚

恭惟令德昭起家成赫奕開府聳岩崑公爵榮重壤王
封拜九霄填門多紫綬列座屹金貂遠使時相過飛仙
自可招公卿先有識同際聖明朝

郡治故居

按廷賓三世祖清遠令樞自蕪湖徙於莆田邑下五
世祖吏部尚書仁璧與其子僕射靖讓其宅為郡治而
退居於郡後郡治今興化衛也

閩海天高聚德星一門三世盡簪纓金銀氣合春霄近

紫翠屏開曉日明
讓宅祗今為閭治
傳經應復大家聲
德馨幸見賢孫子
佩服翩翩覲玉京

金紫廳

在蘇湖上以會稽郡王階金紫光祿大夫得名

上階金紫表殊勲
大國王封荷聖君
宴席醉酣延素月
佩聲飛步入青雲
風流上客停絲轡
綽約羣仙舞綉裙
富貴煌煌忠力報
春風玉樹長遺芬

僕射坊

按宋熙寧元年詔追贈尚書右僕射陳靖尚書左僕射郡守許翟以朝命建僕射坊至今子孫族居為盛綽楔煌煌僕射坊相門朱芾詠斯皇雪融曉色喧車騎風送秋聲入佩璜綠葉生根荅樹暗紅芳結實荔枝香閩南萬里何由到幾度相思夜月涼

集賢亭

按亭僕射公任集賢學士歸時所作

集賢學士早歸來丹碧光輝面面開史館圖書深冊府